

Broj: 01-45-1 -056
Dana: 20. 04. 2023. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 25-04-2023			
Org. jed.	Broj	Priloga	Vrijednost
05/2	02-	59	123

BOSNA I HERCEGOVINA
PARLAMENT FEDERACIJE
DOM NARODA

n/r gđe. **Sanela Klarić, delegatkinja u Domu naroda**
n/r gosp. **Izmir Hadžiavdzić, sekretar Doma naroda**

PREDMET: Inicijativa gđe. Sanele Klarić, delegatkinje Doma naroda
Parlamenta Federacije Bosne i Hercegovine, odgovor, dostavlja se;-

V E Z A: Akt Doma naroda Parlamenta FBiH broj: 05/2-02-59/23 od 03. 04. 2023.
godine, te akt Doma naroda Parlamenta F BiH broj: 05/2-02-59/23 od
28. 03. 2023. godine.

Poštovani,

u vezi sa Vašim aktom, broj i datum veze, dostavljena je inicijativa koju je pokrenula
gđa. Sanela Klarić, delegatkinja Doma naroda Parlamenta Federacije Bosne i
Hercegovine, a koja je upućena Federalnom ministarstvu unutrašnjih poslova,
vezano za poduzete aktivnosti na uspostavi Amber Alert sistema u Bosni i
hercegovini.

U vezi s tim, u prilogu Vam dostavljamo akt Federalne uprave policije Federalnog
ministarstva unutrašnjih poslova, broj: 09-11-11/1-04-3-459/23/AS od 20. 03. 2023.
godine.

S poštovanjem,




Prilog: Kao u tekstu

AŠ/AŠ

Sarajevo, M. Spahe 7 tel.:(00387 33) 590-201/ 280 020, lok.:3100 / fax:(00387 33) 590-218 / www.fmup.gov.ba

FMUP-ODG





EMU

Broj: 09-11-11/1-04-3-459/23/AS

Datum: 20.03.2023. godine

FEDERALNO MINISTARSTVO UNUTRAŠNJIH POSLOVA
n/r Ministra

OVDJE

Bosna i Hercegovina Federacija Bosne i Hercegovine FEDERALNO MINISTARSTVO UNUTRAŠNJIH POSLOVA FEDERALNO MINISTARSTVO UNUTARNJIH POSLOVA FEDERALNA UPRAVA POLICIJE SARAJEVO			
Preporučeno		22. 3. 2023	
Opis			
01	367		

PREDMET: AMBER Alert sistem, odgovor, dostavlja se.-

VEZA: Vaš akt broj: 01-04-5-028 od 02.03.2023. godine

Vezano za vaš zahtjev, broj i datum veze, obavještavamo vas da je Federalna uprava policije u proteklom periodu poduzela nekoliko aktivnosti na uspostavi Amber Alert sistema u Bosni i Hercegovini, kako slijedi:

Dana 29.06.2020. godine imenovala je kontakt osobu za PEN-MP Mrežu policijskih eksperata za nestale osobe ispred AMBER ALERT Europe organizacije – Evropskog centra za nestale osobe.

S tim u vezi, prikupljeni su podaci o nestalim osobama iz 34 evropske zemlje, o čemu je i Federalna uprava policije dostavila izvještaje o nestalim osobama na području Federacije BiH krajem 2020. i početkom 2021. godine. Također je na zahtjev Interpola dostavljena globalna analiza fenomena „nestale djece“ u periodu od 2015. godine do dana dostavljanja izvještaja.

Nadalje, Federalna uprava policije je u maju 2022. godine u Bosni i Hercegovini pokrenula inicijativu učešća i realizacije globalne Amber Alert Europe kampanje prevencije postavljanja i dijeljenja neprimjerenih fotografija djece na internetu, u svrhu koje su okupljene i uključene i ostale relevantne institucije Bosne i Hercegovine, kao što su Ministarstvo sigurnosti BiH, Regulatorna agencija za komunikacije BiH, Federalno ministarstvo obrazovanja, Policija Brčko Distrikta, Kantonalni MUP-ovi Federacije Bosne i Hercegovine, nevladina organizacija MFS-EMMAUS koja rukovodi Centrom za sigurni internet u Bosni i Hercegovini i dr. Također, u pripremi je i realizacija nove godišnje kampanje prevencije u saradnji sa Amber Alert Europe organizacijom.

Kontakt osoba Federalne uprave policije je u prethodnom periodu prisustvovala na dvijema Međunarodnim konferencijama mreže policijskih eksperata za nestale osobe (PEN-MP Network) u organizaciji Amber Alert Europe, održanim u R. Sloveniji, Ljubljana.

Učešće na konferencijama je uzelo više od 20 zemalja. Vijeće sigurnosti EU je PEN-MP mrežu priznalo kao mrežu stručnjaka u obavljanju poslova vezanih za nestale

osobe. Cilj je osnaživanje saradnje članica u poslovima istraga i pronalaska nestalih osoba, prikupljanje podataka o nestalim osobama, formiranje baze podataka, obučavanje i stručno usavršavanje kontakt osoba, usvajanje evropske definicije „nestale osobe“ kao i usvajanje zajedničkog pristupa i strategije. Pored toga, razmatrana je preko-granična saradnja u slučajevima nestale djece, zalaganje za poboljšanje saradnje sa akcentom na Zapadni Balkan kao i priprema Pravilnika i razmjena evropske prakse u slučajevima nestalih osoba.

Ostale teme koje su bile razmatrane na konferenciji su:

- Uspostavljanje Evropske Internet platforme nestalih osoba (baza podataka),
- Smjernice dobre prakse,
- Kurikulum i edukacija policijskih službenika,
- Unapređenje saradnje svih službi država članica,
- Policijski pristup i razgovor sa pronađenom nestalom osobom sa demencijom,
- Komunikacijski izazovi u slučajevima nestale djece koja su žrtve ili počinioci krivičnog djela,
- Detekcija laži u istragama vezanim za nestale osobe,
- Nestale osobe i DNK profiliranje,
- Utvrđivanje geografskog porijekla i boravišta pronađenih neidentifikovanih tijela na osnovu metode stabilnih izotopa.

Emily Vacher, direktor odsjeka Povjerenje i sigurnost u META internet platformi (Facebook i Instagram), je bila jedan od predavača na pomenutoj Konferenciji, kojom prilikom je predstavila Meta AMBER Alert Program koji se sastoji u objavljivanju slučajeva nestale djece na društvenim mrežama Facebook i Instagram u realnom vremenu. Objava sa fotografijom i podacima djeteta bi se pojavila u notifikacijama korisnika društvenih mreža koji se nalaze u određenom radijusu mjesta u kojem je dijete nestalo, te bi se na taj način omogućilo brže lociranje djeteta ili prikupljanje tragova zahvaljujući saradnji javnosti. Meta AMBER Alert Program je zvanično pušten u funkciju u junu 2022. godine i prvobitno je brojao 25 zemalja članica.

Nadalje, Federalna uprava policije trenutno radi sa gore pomenutom nevladinom organizacijom MFS-EMMAUS (sa kojom saraduje dugi niz godina i ima potpisan Protokol o saradnji u slučajevima nasilja nad djecom u digitalnom okruženju) na identifikaciji neophodnih preduslova za uspostavu Amber Alert mehanizma u Bosni i Hercegovini, po uzoru na izvorni Amber Alert mehanizam uspostavljen 1996. godine u Sjedinjenim američkim državama nakon otmice i ubistva 9-godišnje djevojčice Amber Hagerman. Ove aktivnosti podržava Vlada SAD/ Američka ambasada u Bosni i Hercegovini, a kao prvi korak ka uspostavi mehanizma dogovorena je posjeta predstavnika policijskih agencija u Bosni i Hercegovini Američkom nacionalnom centru za nestalu i zlostavljano djecu (NCMEC) u Washingtonu, kako bi se utvrdile infrastrukturne i operativne potrebe za uspostavu adekvatnog Amber Alert mehanizma u Bosni i Hercegovini. Nakon realizacije posjete zakazane za maj 2023. godine, Federalna uprava policije će – u saradnji sa drugim relevantnim institucijama – utvrditi dalje korake za efikasnu uspostavu ovog mehanizma u Bosni i Hercegovini.

Međutim, Federalna uprava policije smatra da u razmatranje ovog pitanja treba uključiti i ostale nadležne institucije, odnosno sve policijske agencije, pravosudne institucije, službe socijalnog rada, obrazovanja, nevladin sektor i sl., kako bi se donijela najbolja odluka. Naime, na prvo mjesto trebamo staviti interese i sigurnost djeteta, a zatim razmotriti i zakonsku regulativu, ponajprije zaštitu ličnih podataka. Istrage nestale djece mogu biti kompleksne, počevši od razloga i okolnosti nestanka, procjene rizika po dijete, zdravstvenog stanja djeteta, prikupljanaj obavještajnih podataka, rada na terenu, obavljana intervjuja, detekcije laži itd.

Najprije treba uzeti u obzir činjenicu da je teško obrisati fotografije i informacije prilikom objave podataka o nestaloj osobi na Internetu, i svakako takve objave ostavljaju digitalni trag i prate dijete kroz cijeli život (usljed čega i saradujemo sa Centrom za sigurni internet u BiH koji je dio globalne mreže Centara za sigurni internet INHOPE/InSafe i aktivno – uključujući finansijski - podržava rad Federalne uprave policije u ovoj oblasti). Stava smo da treba voditi računa o principu srazmjernosti, procjeni rizika te do tog koraka poduzeti sve mjere i radnje koje bi mogle rezultirati pozitivnom rješenju bez ugrožavanja života, zdravlja, dobrobiti i ugleda djeteta.

Federalna uprava policije će u narednom periodu inicirati saradnju po ovom pitanju, kako bi se prije svega donijela odluka o uspostavi Amber Alert mehanizma u Bosni i Hercegovini, mogućem pristupu Meta AMBER Alert Programu, donošenju adekvatnih normi, kriterija i pravilnika koji bi regulisali javne objave na Internetu i drugim medijima.

S poštovanjem,

**ZAMJENIK DIREKTORA
GENERALNI INSPEKTOR POLICIJE**

Ensad Korman

